

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 28. sjednici, održanoj dana 23.09.2015. godine, d o n o s i

ZAKLJUČAK

I.

Daje se saglasnost na Prijedlog Odluke o izmjeni Statuta Službe za zapošljavanje Zeničko-dobojskog kantona broj: 03-49-1-478-9/15 od 03.09.2015. godine, Upravnog odbora JU Služba za zapošljavanje Zeničko-dobojskog kantona.

II.

Odluka o izmjeni Statuta JU Služba za zapošljavanje Zeničko-dobojskog kantona bit će objavljena u „Službenim novinama Zeničko-dobojskog kantona“.

III.

Zaključak stupa na snagu danom donošenja.

Broj: 02-_____/15.
Datum, 23.09.2015. godine
Zenica

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,
1x JU Služba za zapošljavanje Zeničko-dobojskog
kantona, (putem Ministarstva),
1x a/a.



Broj: 03-49-1-4787-9/15

Datum: 03.09.2015. godine

Na osnovu člana 8. Zakona o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, broj 41/01, 22/05 i 9/08), člana 91. Statuta Službe za zapošljavanje Zeničko-dobojskog kantona („Službene novine Zeničko-dobojskog kantona“, broj 14/06, 1/11 i 2/12) Upravni odbor Službe za zapošljavanje Zeničko-dobojskog kantona, na 2. sjednici održanoj dana 03.09.2015. godine, **donosi**

**PRIJEDLOG ODLUKE O
IZMJENI STATUTA SLUŽBE ZA
ZAPOSŁJAVANJE ZENIČKO-DOBOJSKOG KANTONA**

Član 1.

U Statutu Službe za zapošljavanje Zeničko-dobojskog kantona („Službene novine Zeničko-dobojskog kantona“, broj 14/06, 1/11 i 2/12) član 43. mijenja se i glasi:

„Za direktora Službe može biti imenovano lice koje pored općih uslova utvrđenih zakonom ima:

- univerzitetsku diplomu visokog obrazovanja društvenog smijera, odnosno visokog obrazovanja po bolonjskom procesu društvenog smijera, sa najmanje 240 ECTS bodova,
- najmanje 5 godina radnog iskustva u struci.“

Član 2.

Prijedlog Odluke o izmjeni Statuta Službe za zapošljavanje Zeničko-dobojskog kantona upućuje se Vladi Zeničko-dobojskog kantona na saglasnost.

Član 3.

Po dobijanju saglasnosti iz člana 2. prijedloga odluke Upravni odbor Službe za zapošljavanje Zeničko-dobojskog kantona će donijeti Odluku o izmjeni Statuta Službe za zapošljavanje Zeničko-dobojskog kantona i istu dostaviti Stručnoj službi Vlade radi objavljivanja u „Službenim novinama Zeničko-dobojskog kantona“.

**PREDSJEDNIK
UPRAVNOG ODBORA**

Emir Džafić, dipl. ecc.

Obrazloženje

Odredbom člana 43. Statuta JU Služba za zapošljavanje Zeničko-dobojskog kantona („Službene novine Zeničko-dobojskog kantona“, broj 14/06, 1/11 i 2/12), propisano je da za direktora Službe može biti imenovana osoba koja pored općih uvjeta utvrđenih zakonom ima završen pravni ili ekonomski fakultet i najmanje 5 godina radnog iskustva.

Takva odredba je diskriminatorna.

Ni jednim pravnim aktom više pravne snage nije propisano da direktor JU Služba za zapošljavanje Zeničko-dobojskog kantona može biti isključivo osoba sa završenim pravnim ili ekonomskim fakultetom, niti priroda posla koji se u ustanovi obavlja to zahtjeva .

Iz toga proizilazi da tako propisani kriteriji za imenovanje direktora svim drugim osobama onemogućavaju ili ugrožavaju priznavanje odnosno ostvarivanje prava da budu imenovani na dužnost direktora.

Međutim, zbog prirode konkretnih profesionalnih aktivnosti koje obavlja direktor JU Služba za zapošljavanje Zeničko-dobojskog kantona te složenosti poslova, konteksta u kojem se isti izvršavaju smatramo da su razumni i opravdani kriteriji da za direktora službe može biti imenovana osoba koja pored općih uvjeta utvrđenim zakonom o ministarskim, vladinim i drugim imenovanjima ima završen univerzitetsku diplomu društvenog smijera, odnosno visokog obrazovanja po bolonjskom procesu društvenog smijera sa najmanje 240 ECTS bodova i najmanje 5 godina radnog iskustva u struci.

Zbog navedenog smatramo neophodnim da se izmijeni diskriminatorna odredba statuta.